

UGOVOR broj 05-2- 322 /19  
zaključen u Sarajevu, dana 05.03.2019.

## UGOVORNE STRANE:

1. **Fakultet zdravstvenih studija Univerziteta u Sarajevu, Bolnička 25, Sarajevo**  
ID broj 4200672760007 kojeg zastupa Dekan doc. dr. Arzija Pašalić (u daljem tekstu:  
Naručilac) (udaljem tekstu: Kupac)

2. **“ARK” d.o.o. Sarajevo, Džemala Bijedića 155, Sarajevo, PDV broj: 200492860003, kojeg**  
zastupa mr. sci. Rijad Kobilj - Direktor (u daljem tekstu: Prodavac)

## I PREDMET UGOVORA

### Član 1.

Predmet ovog Ugovora je Nabavka medicinske i laboratorijske opreme za potrebe Fakulteta zdravstvenih studija Univerziteta u Sarajevu - LOT 1: Nabavka medicinske opreme- APARATI ZA FIZIKALNU TERAPIJU, prema uslovima iz tenderske dokumentacije broj: JN-R1.11; ponudi broj: 20/19 koji su u prilogu i čine sastavni dio ovog Ugovora.

## II UGOVORNA CIJENA

### Član 2.

Ukupno ugovorena cijena za predmet Ugovora iz člana 1. ovog ugovora, bez poreza na dodatu vrijednost, na paritetu DDP iznosi:

**58.860,00KM**

(Slovima: pedesetosamhiljadaosamstotinašezdeset KM )

Porez na dodatu vrijednost (17%) iznosi:

**10.006,20 KM**

(Slovima: desethiljadašest i 20/100 KM )

Ukupno ugovorena cijena za predmet ugovora iz člana 1. ovog Ugovora, sa porezom na dodatu vrijednost iznosi:

**68.866,20 KM**

(Slovima: šezdesetosamhiljadaosamstotinašezdesetšest i 20/100KM)

U ugovorenu cijenu nije uključen porez na dodanu vrijednost.

### III NAČIN PLAĆANJA

#### Član 3.

Kupac se obavezuje da će isplatu ugovorene cijene izvršiti doznakom u roku od 30 (trideset) dana nakon isporuke robe uz prezentaciju slijedeće dokumentacije:

- Faktura ispostavljena u skladu sa Pravilnikom o primjeni Zakona o PDV-u,
- Zapisnik o verifikaciji robe potpisan od strane ovlaštenih predstavnika Kupca.

### IV ROK

#### Član 4.

Rok realizacije svih ugovornih obaveza je 60 (šezdeset) dana od dana obostranog potpisa ugovora. Ukoliko isporučena oprema ne odgovara traženom kvalitetu ista će se staviti na raspolaganje Prodavcu, a troškove nastale vraćanjem opreme snosi Prodavac.

### V OBAVEZE PRODAVCA

#### Član 5.

Prodavac se obavezuje da :

1. izvrši sve radnje neophodne da oprema bude spremna za prijem, kao što su: pakovanje, otprema i obavljanje svih administrativnih, komercijalnih formalnosti i prijevoz do krajnje destinacije,
2. snosi sve rizike do konačnog prijema opreme na krajnjoj destinaciji, u roku koji je definiran Ugovorom,
3. izvrši isporuku predmetne opreme i izvrši usluge u skladu sa tehničkom specifikacijom,
4. dužan je da otkloni primjedbe tima Kupca vezane za nedostatke u funkcionalnosti uređaja i prihvaćene tenderske zahtjeve koji nisu uočeni/otklonjeni tokom verifikacije isporučene opreme,
5. u garantnom periodu:
  - a) obezbijedi ovlaštenu servis proizvođača opreme na području BiH,
  - b) obezbijedi stručno lice sa odgovarajućim znanjem i iskustvom, odnosno ovlaštenjem proizvođača za odgovarajući nivo servisa,
  - c) preuzme neispravnu opremu najkasnije 8 (osam) sati od momenta prispjeća obavijesti o potrebama servisiranja. Prodavac može koristiti vlastiti prevoz ili koristiti usluge brze pošte, s tim da to ne uzrokuje nikakve dodatne troškove po Kupca.
  - d) utvrdi uzroke nastalih kvarova/prekida/grešaka u radu opreme,
  - e) izvrši zamjenu – popravku neispravne opreme u roku do 5 radnih dana od prijave problema, u slučaju da opravka nije moguća u roku do pet dana od preuzimanja opreme obezbijedi zamjensku opremu na korištenje istih ili boljih karakteristika,
  - f) servisiranu opremu vrati na isto mjesto odakle je preuzeta
6. u slučaju sklapanja ugovora dostavi dokument iz kojeg je vidljivo da se oprema nabavlja i isporučuje preko ovlaštenog distributera na teritoriji BiH,
7. ispostavi fakturu prema članu 3. ovog Ugovora,

## VI OBAVEZE KUPCA

### Član 6.

Kupac se obavezuje da:

1. izvrši obaveze iz člana 3. ovog Ugovora,
2. verificira da su isporučena oprema u potpunosti u saglasnosti sa Tehničkom specifikacijom,
3. prijavu kvara vrši putem elektronske pošte od strane ovlaštenih zaposlenika **Fakulteta zdravstvenih studija Univerziteta u Sarajevu**,
4. formira tim koji će izvršiti verifikaciju isporučene opreme i izvršenih usluga,
5. u roku do 7 (sedam) dana od dana isporuke opreme i izvršenja usluga sačini Zapisnik o verifikaciji nabavljene robe.

## VII GARANCIJA ZA KVALITET ISPORUČENE ROBE

### Član 7.

Prodavac je obavezan dostaviti Kupcu garanciju za kvalitet za isporučenu robu uz svaku isporuku robe.

Garantni rok za isporučenu robu je 2 godine i teče od dana isporuke robe na ugovorene destinacije.

U garanciju treba da budu uključeni dijelovi, rad servisera, kao i preuzimanje i vraćanje uređaja na lokaciju korisnika ukoliko se opravka ne može obaviti na lokaciji naručioca.

*Prodavac garantuje da je roba nova, nekorištena, najnovijeg tipa i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtijevan u specifikacijama od strane Kupca. Prodavac garantuje da roba odgovara za svrhu za koju treba da se koristi, da će funkcionisati kako je to navedeno u proizvođačkoj tehničkoj specifikaciji.*

U toku garantnog roka, Prodavac je dužan da na poziv Kupca o svom trošku otkloni sve nedostatke nastale krivnjom Prodavca, a što je posljedica :

- upotrebe neispravnog materijala, greška u izradi,
- poduzimanje ili nepoduzimanje bilo koje radnje Prodavca tokom trajanja garancije,
- kontrole koja se vrši od strane Kupca ili u njegovo ime.

Ukoliko se oštećenja i nedostaci pokažu za vrijeme trajanja garancije, Kupac bez odlaganja obavještava Prodavca. Ukoliko Prodavac propusti da u vremenskom roku propisanom u obavijesti popravi oštećenje ili nedostatak, Kupac može da:

- sam ili putem trećeg lica popravi oštećenje ili nedostatak o trošku Prodavca.
- raskine ugovor

U hitnim slučajevima kada je nemoguće pravovremeno obavijestiti Prodavca ili on po obavještenju ne može da poduzme potrebne mjere, Kupac može na račun Prodavca obaviti taj posao. Kupac je dužan da što prije obavijesti Prodavca o preduzetoj radnji.

## VIII GARANCIJA ZA UREDNO IZVRŠENJE UGOVORA

### Član 8.

Prodavac je obavezan dostaviti Kupcu bankovnu garanciju za uredno izvršenje ugovora u roku od 10 (deset) dana od potpisa ugovora. Iznos garancije će biti plativ Kupcu kao kompenzacija za bilo koji gubitak koji bi bio prouzrokovan ako Prodavac ne uspije da izvrši svoje obaveze po ovom Ugovoru. Visina garantnog depozita u formi bankarske garancije je 10 % (deset posto) od ukupno ugovorene vrijednosti bez PDV-a sa rokom važnosti 26 (dvadesetšest) mjeseci od datuma potpisa ugovora. Obezbjedenje izvršenja će biti ukinuto od strane Kupca i vraćeno Prodavacu ne kasnije od 30 (trideset) dana nakon isteka važnosti iste.

## IX UGOVORNA KAZNA

### Član 9.

Za svaki dan zakašnjenja u isporuci robe, Prodavac se obavezuje da Kupcu, na ime ugovorene kazne, plati 1‰ (jedan promil) ukupno ugovorene vrijednosti, a najviše do 5% (pet posto) te vrijednosti.

## X NAKNADA ŠTETE

### Član 10.

Prodavac je dužan naknaditi štetu, koja nastupi iz djelovanja ili propuštanja Prodavca ili njegovih zaposlenika ili podugovarača u izvršavanju ovog Ugovora.

## XI VIŠA SILA

### Član 11.

Za svrhe ovog Ugovora pod višom silom se podrazumjevaju događaji i okolnosti koji se nisu mogli predvidjeti i izbjeći, ili otkloniti u vrijeme zaključenja ugovora i koji ugovorne strane onemogućavaju u izvršenju ugovornih obaveza.

Pod događajima i okolnostima iz prethodnog stava smatrat će se naročito: rat, poplava, požar, generalni štrajk i slični događaji.

Nemogućnost bilo koje ugovorne strane da ispuni bilo koju od svojih ugovornih obaveza, neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed dejstva više sile, s tim da je ugovorna strana koja je pogođena takvim događajem:

a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovom ovog Ugovora i

b) obavijestila drugu ugovornu stranu na način koji je u datoj situaciji jedino moguć, odmah po nastanku više sile, a najkasnije u roku od 3 (tri) dana od pojave takvog događaja i preduzetim mjerama na otklanjanju štetnih posljedica dejstva više sile.

## XII POVJERLJIVOST

### Član 12.

Ugovorne strane i njihovo osoblje ne mogu za vrijeme trajanja ovog Ugovora, kao i nakon prestanka njegovog važenja, u skladu sa zakonom, objaviti nikakvu povjerljivu informaciju,

koja se odnosi na zadatak, ovaj Ugovor ili poslovanje ugovornih strana, bez prethodne pismene saglasnosti ugovornih strana.

### **XIII RJEŠAVANJE SPOROVA**

#### **Član 13.**

Ugovorne strane će uložiti maksimalne napore, da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi sa ovim Ugovorom ili njegovom interpretacijom.  
U slučaju da se spor između ugovornih strana u vezi sa ovim Ugovorom ne može sporazumno riješiti, isti će se povjeriti na rješavanje stvarno nadležnom sudu u Sarajevu.

### **XIV PRIMJENA PRAVA**

#### **Član 14.**

Ugovor će se primjenjivati u skladu sa zakonima zemlje Kupca.

### **XV RASKID UGOVORA**

#### **Član 15.**

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed. Kupac može raskinuti ugovor u slijedećim okolnostima ako:

- a) Prodavac ne izvrši neku od ugovorenih obaveza, i nakon upozorenja Kupca
- b) Prodavac ne ispuni obavezu u roku navedenom u zahtjevu Kupca.
- c) Prodavac bankrotira ili ne bude platežno sposoban na bilo koji drugi način.

### **XVI OSTALE ODREDBE**

#### **Član 16.**

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Sva obavještenja, zahtjevi ili pristanci, načinjeni u saglasnosti sa ovim Ugovorom, biće u pismenoj formi i smatrat će se da su sačinjene onda kada su poslate drugoj ugovornoj strani ili ovlaštenom predstavniku te ugovorne strane.

#### **Član 17.**

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

Član 18.

Ovaj Ugovor je sačinjen u 6 (šest) istovjetnih originalnih primjeraka ,od kojih svaka ugovorna strana zadržava po 3 (tri) primjerka.

Za Kupca  
Dekan

Doc. dr. Arzija Pašalić



Broj: 05-2-320/19

Datum: 05.03.2019.

Za Prodavca  
Direktor

mr.sci. Rijad Kobilj



Broj: 2019-3/11

Datum: 11.03.2019

